

Ո Ր Ո Շ ՈՒ Մ

Ճանապարհային ոստիկանության վարչական իրավախախտման վերաբերյալ գործով 01.10.2021թ. կայացված ԱՖ779224 որոշումն անփոփոխ, իսկ վարչական բողոքն առանց բավարարման թողնելու մասին

<<12>> 10 2021թ. 7-13- 15459

ք.Երևան

Ճանապարհային ոստիկանության պետ, ոստիկանության գնդապետ Ե.Կարապետյանս, վերանայելով Արթուր Ալավերդյանի ՄԴ/82926-21 դիմումի քննարկման արդյունքում ստեղծված նյութերը՝

Պ Ա Ր Զ Ե Ց Ի

Տավուշի մարզի Իջևան քաղաքի Բլբուլյան փողոցի 94 Ա շենքի 7 բնակարանի բնակիչ Արթուր Ալավերդյանը դիմումով իր անհամաձայնությունն է հայտնել Ճանապարհային ոստիկանության վարչական իրավախախտման վերաբերյալ գործով 01.10.2021թ. կայացված ԱՖ779224 որոշմանը՝ նշելով, որ 07.09.2021թ. ժամը 17:15-ին կնքել է պարտադիր ապահովագրության պայմանագիր և նույն օրը ժամը 18:30-ին ենթարկվել է ճանապարհատրանսպորտային պատահարի: Դիմումին կից ներկայացրել է <<Արմենիա Ինշուրանս>> ԱՍՊԸ-ի հետ կնքված SJ463680 ԱՊՊԱ վկայագրի պատճենը: Միաժամանակ հեռախոսակապի միջոցով հայտնել է, որ դիմումին ավելացնելու ոչինչ չունի:

Դիմումի քննարկման արդյունքում պարզվել է, որ Ճանապարհային ոստիկանության վարչական իրավախախտման վերաբերյալ գործով 01.10.2021թ. կայացված ԱՖ779224 որոշումն ենթակա է կատարման հետևյալ պատճառաբանությամբ.

<<Ավտոտրանսպորտային միջոցների օգտագործումից բխող պատասխանատվության պարտադիր ապահովագրության մասին>> 5-րդ հոդվածի 4-րդ մասի համաձայն՝ յուրաքանչյուր անձ պետք է մշտապես ունենա սեփականության իրավունքով իրեն պատկանող (ֆինանսական վարձակալության (լիզինգի) պայմանագրով իրեն տրամադրված) և Հայաստանի Հանրապետությունում հաշվառված յուրաքանչյուր ավտոտրանսպորտային միջոցի համար կնքված և գործող ԱՊՊԱ պայմանագիր: **Արգելվում է ընդհանուր օգտագործման ավտոմոբիլային ճանապարհներով ավտոտրանսպորտային միջոցի վարումը, եթե դրա համար առկա չէ այն վարելու պահին գործող ԱՊՊԱ պայմանագիր:**

Վարչական իրավախախտումների վերաբերյալ ՀՀ օրենսգրքի 129.2-րդ հոդվածի 2-րդ մասի համաձայն՝ առանց տվյալ տրանսպորտային միջոցի համար կնքված ավտոտրանսպորտային միջոցի օգտագործումից բխող պատասխանատվության պարտադիր ապահովագրության գործող պայմանագիր ունենալու՝ Հայաստանի Հանրապետության տարածքում ընդհանուր օգտագործման ավտոմոբիլային ճանապարհներով տրանսպորտային միջոցը վարելը՝ առաջացնում է տուգանքի նշանակում՝ սահմանված նվազագույն աշխատավարձի հարյուրապատիկի չափով:

Ուսումնասիրությամբ պարզվել է, որ 07.09.2021թ. ժամը՝ 18:30-ին Իջևան քաղաքի Երևանյան փողոցում քաղաքացի Արթուր Ալավերդյանի վարած <<VAZ 21063>> մակնիշի 1900385 հաշվառման համարանիշի և քաղաքացի Ռազմիկ Ասիլյանի վարած <<UAZ 396295-520>> մակնիշի 583AR61 հաշվառման համարանիշի տրանսպորտային միջոցների մասնակցությամբ տեղի է ունեցել ճանապարհատրանսպորտային պատահար: Ինչից հետո իրենց կողմից լրացվել է համաձայնեցված հայտարարագիր:

2021 թվականի սեպտեմբերի 22-ին Հայաստանի ավտոապահովագրողների բյուրոյի գործադիր տնօրեն՝ Վաղինակ Եղիազարյանի կողմից ստացված F/21-04221 գրության համաձայն 2021թ. սեպտեմբերի 07-ին՝ ժամը 18:30-ին Իջևան քաղաքի Երևանյան փողոցում տեղի է ունեցել ճանապարհատրանսպորտային պատահար <<Ռուսագոստրախ-Արմենիա>> ԱԲԲԸ-ում ապահովագրված <<UAZ 396295-520>> մակնիշի 583AR61 հաշվառման համարանիշի և պատահարի պահին գործող ԱՊՊԱ պայմանագիր չունեցող <<VAZ 21063>> մակնիշի 1900385 հաշվառման համարանիշի տրանսպորտային միջոցների մասնակցությամբ: Նշվել է նաև, որպեսզի <<VAZ 21063>> մակնիշի 1900385 հաշվառման համարանիշի տրանսպորտային միջոցի վարորդ՝ Արթուր Ալավերդյանը Վարչական իրավախախտումների վերաբերյալ ՀՀ օրենսգրքի 129.2-րդ հոդվածի 2-րդ մասով ենթարկվի վարչական պատասխանատվության առանց տվյալ տրանսպորտային միջոցի համար կնքված ԱՊՊԱ գործող պայմանագիր ունենալու ՀՀ տարածքում ընդհանուր օգտագործման ավտոմոբիլային ճանապարհներով տրանսպորտային միջոցը վարելու համար:

Ճանապարհային ոստիկանության ՃՊԾ 2-րդ սպայական գումարտակի 4-րդ սպայական վաշտի 2-րդ սպայական դասակի վարչական պրակտիկայի գծով ավագ տեսուչ, ոստիկանության մայոր Ի.Բլբուլյանը Հայաստանի ավտոապահովագրողների բյուրոյի կողմից ուղարկված գրության հիման վրա կազմել է համապատասխան արձանագրություն և կայացրել ԱՖ779224 որոշումը՝ Արթուր Ալավերդյանին 100.000 ՀՀ դրամի չափով տուգանելու վերաբերյալ:

Քաղաքացի Արթուր Ալավերդյանի կողմից ներկայացված <<Արմենիա Ինշուրանս>> ԱՍՊԸ-ի հետ կնքված SJ463680 ԱՊՊԱ պայմանագրի պատճենի համաձայն՝ <<VAZ 21063>> մակնիշի 1900385 հաշվառման համարանիշի տրանսպորտային միջոցի պայմանագիրն ուժի մեջ է **08.09.2021թ. ժամը 00:00-ից մինչև 07.12.2021թ.:**

Հարկ է նշել, որ Վարչական իրավախախտումների վերաբերյալ ՀՀ օրենսգրքի 129.2-րդ հոդվածի 2-րդ մասի պահանջը խախտելու համար արարքը նվազ նշանակություն ունեցող գնահատելու կարգ սահմանված չէ (դիտավորություն, անզգուշություն և այլն):

Այսպիսով, դիմումատուի արարքում առկա է Վարչական իրավախախտումների վերաբերյալ ՀՀ օրենսգրքի 129.2-րդ հոդվածի 2-րդ մասով նախատեսված արարքը, քանի որ <<VAZ 21063>> մակնիշի 1900385 հաշվառման համարանիշի տրանսպորտային միջոցի վկայագիրն ուժի մեջ է մտել 08.09.2021թ. ժամը 00:00-ից, իսկ իրավախախտումը հայտնաբերվել է **07.09.2021թ. ժամը 18:30-ին:**

Ելնելով վերոգրյալից և ղեկավարվելով Վարչական իրավախախտումների վերաբերյալ ՀՀ օրենսգրքի 293-րդ հոդվածի 1-ին մասի 1-ին կետով՝

Ո Ր Ո Շ Ե Ց Ի

1. Ճանապարհային ոստիկանության վարչական իրավախախտման վերաբերյալ գործով 01.10.2021թ. կայացված ԱՖ779224 որոշումը թողնել անփոփոխ, իսկ վարչական բողոքն առանց բավարարման.
2. Սույն որոշումն ուժի մեջ է մտնում հանձնելու օրվան հաջորդող օրը և կարող է բողոքարկվել ՀՀ վարչական դատարան օրենքով սահմանված կարգով և ժամկետներում.
3. Սույն որոշման օրինակն ուղարկել Ճանապարհային ոստիկանության ՃՊԾ 2-րդ սպայական գումարտակ և Արթուր Ալավերդյանին:



Ե.Կարապետյան